



Ep. VII, 2

IN NVPTIIS
S E R E N I S S. DD.
D. ALPHONSI ESTENSIS.
ET I N F A N T A E
D. ISABELLAE DE SABAVDIA.
LVDOVICI SCAPINELLI MVTINENSIS
C A R M E N.



M V T I N A E.

Apud Iulianum Cassianum. 1608. *Sup. Permissu.*



Hæbe pater, sacrum æterno cui lumine crinē
Fœcundi cingunt radij, qui semina rerum
Spargis, & inuictō reparas labētia motu
Sæcula: nunc lato surgat lux cōcolor orbī
Felicēs testata toros, ignemque beatæ
Lucis anhelet equus, primænaque lumi-
na fausto

Parturiens Aurora sinu cōcepta secundæ
Auguria, & magnas celebrent sua tempora tedas.

Quales, ut perhibent, primis vernantia cunīs
Viderunt elementa dies, nutrita que blandis

Semina vix geniti creuerunt solibus orbis,
Nec vagæ inæquales variarunt sæcula zōnæ.

Nunc supræma senex etiam sub funera mundus

Eripitur fati, æternæque fœdera rerum

Eludit, lapsosque aut melioris honores

Jam nitido reuocat cultus, viridemque iuuentam,

Oraque in auratos redeunt iam ferrea vultus

Connubijs Alphonse tuis, cui filia magni

Coniuncta est generosa Ducis, quo præside muri

Fertilis Italia, & nullas meruentia vires

Temporis alpinæ stant propugnacula rupes.

Conscijs arripit thalamis regalibus æther

Gaudia confessus vultu, laxataq; rugis

Vere nouo se iactat humus: iam belliger hæsit

Hebrus, & insolita pressus formidine torpet


Indocilis stagnare liquor, casuque propinquo

Celsa Semiramia tremuere cacumina molis.

Scilicet hæc duris extrema laboribus ætas

Voluitur

Voluitur, hec seuis præscribitur ultima bellis
 Meta, & promissam fatali exhausta labore
 Stamina duxerunt mortalibus aurea pacem.
 Idcirco indomito fatalia nomina Thraci
 Iunxerunt superi, quorum domus utraque dextro
 Numine barbaricas olim domitura secures
 Tela parent, sociasq; manus, utq; auspice cælo
 Vindicibus schyticum pacarint classibus æquor
 Tempora Idumæis nescant vitricia palmis,
 Obscenisq; pias adimant cultoribus arces.
 Tunc ferri languescet amor, sudataque longo
 Tempore pax veniet, tandemq; insana resident
 Prælia, nec manibus demens ruet ira cruentis.
 Tum natos, serumq; genus sua cura manebit:
 Tollere reliquias, priscæq; latentia fraudis
 Flagitia, & resides palmæ subtexere lauros
 Quis studium, patriamq; armis defendere pacem,
 Otiaque oblito saturnia reddere mundo.
 Talia fata suis cum stare audisset alumnis
 Magna parens Mutina, & tedis regalibus auctum
 Nomen Atestinum domito liuore vagari
 Transorbis, Phœbiq; uias, quæ nulla priorum
 Gloria fecisset paribus vestigia plantis:
 Se quoq; in antiquam faciem, moresque uetustos
 Restitui, & tantis dominorum animata trophæis
 Mortua primæuæ monumenta resurgere laudis,
 Gratatur reducem longo post tempore famam,
 Et titulis animosa nouis, lapsamq; reformat
 Effigiem, spretumq; decus, pigraq; caducus



Segnitie redit oris bonos: sine lege vagantes
Comprimit, & certa damnat statione capillos;
Et veteres testantia dona triumphos,
Et natum immortale decus, vigilataq; sacris
Præmia carminibus, matri quibus æmula Romæ

Centat, & æquæuū natis transmittit honorem.

Ora rigor placidus decorat, tutusq; verenda

Maestate pudor: Troiana per agmina qualis

Thermodoontia fertur bacchata securi

Pentefilea feras acies, infestaq; signa

Præcipiti uertisse fuga, sed fortior arma

Exercet, plagisque vomit grauioribus iras,

Siue sagitti feros Mutina inuassisse Gelonos,

Siue alio populos agitare sub axe iacentes

Maluit, atque illi superum defensa fauore

Laurus in eternas uiret inuidiosa coronas,

Longeuamq; comis nutrit uictricibus umbram.

Quam neq; brumales ledunt vrentia siluas

Frigora, nec Boreæ uires, nec vulnera sæui

Solis, ubi Icaris feruens latratibus arua

Sauciat, & findit sitientes Sirius agros.

At nunc emeritos tenebris squalentibus enses

Abdidit, atq; auras trahit alma in pace serenas,

Securumq; agitat placidis sub legibus æuum;

Compositis Ianum Cæsar cui motibus alter,

Et belli rigidas duris compagibus ædes

Claudit, & æternis compefcit bella catenis,

Æternoq; fremit damnatus carcere terror.

Ipsa artes Phæbi varias, pacisque laborem

Bellica

Bellica felici meditatur carmina plectro.
Cui, dum mansurus condit spirantia chartis
Virtutis monumenta sua, propriaq; perennat
Arte, Padus natos ad carmina mittit olores
Flumine vicino, socioq; inseruit honori.
Ergo regalis serum conquesta marito
Aduentum, ignauoq; dies procedere curru,
Incusatq; moras, animumq; per omnia versat
Consilia, ut longos fugiat superare uiarum
Circuitus, pluuiasq; pati dispendia brumæ.
Atq; ubi certa uagam tenuit sententia mentem,
Ad subitum sese aptat iter: non illa comanti
Vel galea crines onerat, uel cuspide dextram,
Sed placida cultumq; refert, habitumq; Minerua
Regales induta sinus, Tyrioq; ueneno
Ardet, & undanti tardat uestigia palla:
Aurea cui mordent exertam cingula mammam:
Tum teretes gemmis digitos, sceptriq; moratur
Robustas grauitate manus, componit euntem,
Maiestas, gressusque mouet furtiua decoros.
Et licet innocuam prætendant omnia pacem,
Bella tamen spirat facies, & bellica fortem
Turba Deam sequitur placidis immixta ministris
Illi sanguineis oculos infecta rubentes
Ignibus Ira comes, Roburq; adamante perenni
Armatum, memoriq; furens Vindicta flagello,
Et Furor, erranti titubant cui lumina uisu
Ebria; tum cera, titulisq; animosa uetustis
Nobilitas grandæua tumet, Virtusque secundis

Plausibus

Plausibus, & uigili pallent in carmine Musæ.
Et secum niueamq; Fidem, Pacemq; gemellam
Ducunt, & seuos frenantia iura tumultus.
Tali Diua parens comitum stipata cæterua
Conscendit currum, celeriq; per aera cursu
Effugit, & rapidis offensa iugalibus aura
Stridet, & ignifero candet rota feruida motu.
Et latè ardentes ferit indignantia sulcos
Nubila, natiuisq; diem splendoribus auget.
Iamq; tenet iuga finitimis rorantia nimbis,
Alpinaeque arces, cingi quibus alma beatam
Natura Italiam dedit, & contemnere vires
Externas letam specula despectat ab alta
Incola planiciem, & felicibus inuidet aruis.
Est locus, unde caput vasti per viscera montis
Exerit Eridanus, perq; obuia saxa laborat.
In mareq; indomitis violentus uoluitur undis;
Sed tenuis primo damnosas continet iras
Finibus angustis, animosq; assumit eundo,
Regalesq; acquirit opes, & viribus auctis
Jam super oppositas effusus gurgite moles
Fœcunda effreno populatur culta furore.
Huc Dea velocem declinat ab æthere currum
Ipsum aditura Deum fluuij reuerentia Diua
Attonitas repressit aquas, motuq; rebeli
Ad fontem redieret rei nouitate pauentes.
Talibus ipsa humiles compellat vocibus undas.
Illustres unda, queis lenia fata dederunt
Radere fœcundo Ausonia pulcherrima limo

*Arua, nec hybernotantum creuisse tumulus;
Sed vestra aeterno protendere regna canali;
Humentes aperite domos; & regia vestri
Tecta mihi monstrate patris: tum spargit ab ore
In summo tremulum amne iubar, liquidosq; recessus
Splendor, arenosiq; illuminat ima profundi
Paruit unda Deæ, & subito discessit hiatus
In geminos curuata sinus, geminique pependit
In faciem muri; per apertas illa latebras
Intrat, & ad glauci graditur penetralia regis.
Natiuis pendet late domus humida tophis
Spelunca in morem: tum scabro pumice surgit
Ceruleus paries, & raris tecta lapillis
Distinguunt conchæ; madidarum strata viarum
Alga tenet, multa; super levis incubat umbra
Populus, horrentesque comas, ramosq; pandit
Brachia, perpetuoq; aulam sub tegmine condit
Electra, & blandis lachrimat præsentiâ nimphis
Hic Dea sub magna miracula condita terra
Miratur, nullo partus fecunda labore
Viscera lassari, varioque tumescere foetu,
Et vario servire oneri, diuersaq; certo
Fœdere multiplicis dispergere semina formæ,
Tam multas facies genitarum, inimicaque rerum
Ingenia ex uno nasci pugnantiâ ventre,
Æternaque suos retinere propagine mores.
Hic aurum immundo mixtum flauescere limbo
Hic videt argentum rudibus candescere massis
Hic aris segetem, durique rigescere ferri,*

Sulphuraque eternis furere eructata caminis,
Unde Aenea suo nutrire incendia possit
Vulcanus flamma nunquam percurrente labori:
Ipsam adeo gravidam vacuam diffundere terram
Flumina cuncta sinu, ruenisque perennibus amnes
Diffluere hinc undas avido stipendia ponto:
Euphratem, & gelidum Tanaim, septenaque Nil
Ora, (nec hic patriam tantarum celat aquarum
Ignotam superis) & belli mille triumphos
faciantem Tiberim, cinctumque humentia lauro
Tempora, & immensis spatiantem fluctibus Istrum,
Illustresque alios, alios sine nomine fontes.
Ipsum in diuitibus vasti secessibus antri
Conspicit Eridanum; vitreis cui fulta columnis
Regia concharum Tyriis laqueata lacunis
Erecta est augusta, ingens, & plurima pendent
Per virides sensim cristalla rigentia muros.
Ipse prope undantem late Deus assidet urnam
Immortalis aque cunabula: barba, caputque
Indigenas effundit aquas, nec vilibus oluis
Regalem, aut glauca prætexit arundine crinem,
Populeam sacro sed vertice sustinet umbram.
Et de taurina surgunt duo cornua fronte
Immensa, & fulvo splendent adoperta metallo:
Sceptrum ingens, teneram fert ab radicibus alnum:
Dextera circumstant undis famulantibus amnes
Finitimi, & magno prognatae flumine Nympha
Purpurea antiquis variabant texta figuris.
Diuisisque operum vicibus diuersa subibant

Mune-

Munera: at artifices animare illustra signis
Dum certant monumenta manus, socioque labore
Stamina componunt ueras mentita figuras;
Aduentum sensere Deæ, telasq; reponunt
Infectas: utreis effusa sedilibus omnis
Obuia turba ruit, surgit rex ipse, Deamque
Accipit, & dictis venientem affatur amicis.
Quæ te causa meas ultro Romana propago.
Egit adire domos? aut quæ me in fœdera poscis?
Quæ tua iussa sequor? semper tibi deducta regni
Defuit unda mei; nec si tu Diua rogaris,
Aut cursus mutare fidem, peregrinaque culta
Abluere, antiquoq; Adriam fraudare tributo.
Abnuerim, aut salsos in bella laceßere fluctus:
Illa refert: nec me fluiuium rex maxime fallit
Te socio quantis crescat mea gloria rebus,
Nec tibi nostra fides studio respondet inertis:
Gentis Aeternæ cultos mihi testor honores,
Illustresque animas, quarum debetur alumna
Fama tibi; quoties pro vestro ultricia regno
Armatuli, & galeis bibit auxiliaribus amnem
Pubes nostra tuum; neque me pro viribus unquam
Pœniteat sudasse tuis: immensa labori
Redditur, & magnò duplicatur strenore merces,
Quod tales semper dominos ista educat urbi
Unda mea, quorum titulos, famamque vetustas
Victa triumphatis queritur superesse diebus.
Prodigus ecce nouis etiam mea gaudia donis
Continuas, plenoque fluit mea gloria cursu,

Quòd mihi felicem dominam, celebresq; Hymenaeos
Regali de gente paras, & regia coniux
Ipsa sinu nutrita tuo gentilia vincit
Nomina, Atestinoque coit benè nupta marito:
Augustus genita, augustos genitura virago,
Augustamq; aditura domum. sed gaudia cessant
Quid mea? qua niveam mihi lucem Aurora reducet,
Pendere ut liceat regalis ad oscula dextra,
Mirariq; oris decus, & cognoscere praesens
Syderei lumen uultus, animumque tuendo
Pascere, & obsequium cultu presente fateri:
Nunc etiam, infestum pluuius cum fuderit imbrem
Auster, inaccessos foedat brumâ inuida calles,
Et male quadruges sub iniquo pondere sudant.
Quin potius liceat per te pater optime segnes
Præcipitare moras: dominis potes ipse maritis
Mansuetos offerre sinus: nunc amnis habenas
Audiat, ipse minor liquidum stagnantibus undis
Sterne iter, ipse manu labentem impelle carinam,
Et pronam facilis ferat alueus amne secundo.
Sic tibi purpurei incundos veris honores
Nutriat indulgens Zephyrus clementibus auris,
Sic viridi æstivos defendat tegmine soles
Alnus, inexhaustoque fluant regnantia cursu
Flumina, & in magnum veniat plebs cætera nomen.
Ille autem: quid prodix, ait, mea uota precando?
Hæc mihi mens fuerat: tanti ne insanus honoris
Tempora dissimulem? tibi nunc obnoxia cedant
In titulos mea sensa tuos, omnisq; feratur

Obse-

Obsequijs via trita meis, nullumq; merendi
 Prætereat mihi tempus iners; sed nostra premuntur
 Munera cum meritis frustra pugnantia tantis.
 Hæc ait: at magnæ Nymphas regalia nuptæ
 Dona iubet properare, toris genialibus aptum
 Puluinar, pictoq; ardentem murice pallam.
 Nec mora: cognatis pars aurum expurgat arenis,
 Ast aliæ purum accipiunt, tractuq; seuerò
 Tenuia deducunt aptis in stamina pensis;
 Arte laboratas pars auro illudere uestes
 Accelerat, Tyriumq; docet squalere ruborem.
 Atque antiqua refert memori monumenta labore.
 Insignem nam forte Rhodum, celebrataq; pugnis
 Mœnia nobilibus, nunc Thraci heu serua tyranno
 Fingebant, cælata auro circumsonat unda,
 Dilectamq; sinu vasto complectitur urbem;
 Pulsata innumera sed canent cœrula pinus
 Marmora, barbaricisq; latet sub classibus æquor
 Immensum. hic subitis tormenta tonitribus ardent,
 Humanoq; vides descendere fulmina iussu
 Æmula cœlestis flammæ: indignata debiscit
 Unda, gemunt turres, latèq; offensa resultant
 Littora, & inserpunt tremulos uibrantia fluctus
 Murmura. tum ferro, telisq; horrentibus ipsæ
 Stant acies, contraque ruunt, ipsamq; minantur
 Urbem excisuras. unus fatalibus armis
 Intonat Amedeus, animatq; in prælia ciues,
 Et Rhodias tutatur opes: furit arduus ipse
 In Thracem, salsofque infectat sanguine campos.

Ut Lupus æstivas nullo custode per herbas
 Dispersos errare greges speculatus ab alto
 Improvisus adest; funduntur inervia saeva
 Per campos armenta metu, rabiemque lacescit
 Præde insanus amor, fugientia terga superbum
 Vertere ductorem Nereus, & cedere pulsum
 Miratur, gelidum forti tamen ore timoram
 Dissimulat, mixtaque ardet pudor irritus ira
 Ecce ferox Atilam minitacem, & Cassia fundit
 Agmina, & obsessis prohibet succedere muris
 Forestus, poscitque truce incertamina regem
 Atque unus toties victrix signa maxatur
 Forsan & Hesperijs dirum cerinibus ille
 Hostem auertisset; sed primo extinctus in aëre
 Ceu ruptus fugit per inania nubila fulgoris
 Inde Rauennates immixtus occupat agros
 Stragibus, & victor pugnantem Alphonsus in hostem
 Fulminat: obstantes populatur flamma ceteras
 Bellatrix, frangitque tenaces impetus iras
 Sulphureus, nullaque ictus vitabilis arte
 Parte alia magnus terra regnator Ibera
 Ignotum velis peragrat felicibus equoribus
 Egrediturque; polum; longoque per æquora strabus
 Audaci Herculeas contemnit remige metas
 Divisam & penitus nostro sibi subijcit orbe
 Tellurem. hic alio sub sole iacentia gemmis
 Littora tollit opus: miris animalia formis
 Aspiceres ignota novos errare per agros
 Ignotis magnos decurrere montibus amnes

In pelagus, lætasque nouis frondescere siluas
Arboribus, floresque suos, sua reddere poma.
Dumque labor feruet, requiemque; inglorius odit
Nympharum, doctasque manus properata moratur
Cura operum, iussuque; exercent munere laudem,
Fatidicum referunt arguti carmen olores,
Seraque; quæ Phæbo quondam didicere magistro,
Fata canunt, cæcaque; animos ambage morantur.
Viuite concordēs animæ, quas prospera iungunt
Numina, quas placido despectant sydera vultu,
Legit Aeternæ quas quondam in semina laudis
Iuppiter, & tribuit vitiorum excindere fibras.
Tempus erit, cum nullus bonos furialibus armis
Restet, & insani moriatur gloria ferri.
Decolor, & vestris reuocata nepotibus olim
Floreat, & vacuam pietas colat aurea pacem.
Securumque; orbem placidis moderetur habenis.



EPITHALAMIVM
EIVSDEM.



Ex fluvium Eridanus thalamos visurus heriles
Adsit, & insana murmura frenet aqua.
Nec taceat glaucis lachrimans in crinibus alnus,
Et graue siluestri cingat honore caput.

Aurea sed lata veniant redimicula fronti,

Nobilibusq; comis aurea manet aqua.

Vndaq; regalis turpe indignata tributum

In fera cœruleas bella laceſſat opes.

Qualis magnificos fertur duxiſſe triumphos,

Et laurum humenti ſuſtinuiſſe coma,

Fregit Ateſtino Adriacas ubi marte ſecures,

Addidit & dominas in ſua uincla manus.

ſam tibi deducet regalem Alphonſe puellam,

Et lento faciles amne parabit aquas.

Iam iubet argutos meditari carmen olores,

Et memori illuſtres ore referre domos.

Virgutes Alphonſe tuas, ſamaque perennis

Munera ſudato parta labore canet.

Utque nec ignotos condant tibi littora ſoles,

Nec varia ignotum Cynthia currat iter.
Utque tibi occultas liceat cognoscere vires
Natura, & nulla iura caduca die.
Phæbus ut aeterno duodena per astra labore.
Fœcunda omni feram luce maritet humum.
Ut uiuant elementa suis pereuntia bellis,
Pugna ubi perpetua semina pacis habet.
Utq; tibi studium sanctos comprehendere mores,
Quà dubium & Virtus carpere monstrat iter.
Ne ue sit insanis mens unquam obnoxia curis,
Indignoq; adimas libera colla iugo.
Tum vero ut totum spirent tua pectora Martem,
Et tractes habili fortia tela manu,
Et ueterum properes ad magna exempla parentum,
Quaq; patet raro semita trita pede.
Bellaque pro laribus referet pugnata Latinis,
Ante triumphales oppida ducta rotas,
Victtricemq; Aquilam, Troiana insignia gentis,
Hectoraque auctorem nominis esse tui.
Tum canet: ut Virgo patrias sciat ire per artes,
Fœmineisq; suos laudibus æquet auos.
Tempora dum flauent grandes canescere curas,
Et mentem ante annos consensuisse suos.
Utque trahat longis regalia nomina fastis,
Auctaque successu stet domus alta suo.
Qualiter ad plures fluuij patet alueus amnes,
Quò magis à primo fonte recessit aqua.
Stemmataq; Idæos iactet generosa Leones,
Digna quibus tantæ gloria gentis eat:

Stem-

Stemmata turrigeram generis testantia matrem;
 Et iunctum Hispano nobile rege genus;
 Hispano, natura nouos cui condidit orbes;
 Cuius & in titulos astra nouella micant:
 Cui maris unda tumet, Phæbi cui serua laborant
 Lumina, cui moritur, concipiturq; dies.
 Nunc Alphonse vocans latos Hymenæon ad ignes
 Preparat arsuras in tua vota faces.
 Sancte Hymen, casto qui fœdere iungis amantes,
 Ne pereat turpilesus amore pudor.
 Hymen ades, fuluasq; toris molire catenas,
 Et preme longuò corda marita iugo.
 Nulla pijs vacuam lédant contagia pacem,
 Firmaq; purpureus fœdera seruet amor.
 Late Hymen, Hymenæe, Hymen, cui blanda iuuenta
 Lumina, cui tenero vernat in ore decor:
 Incundos indulge annos, certoq; tenore
 Per numeros veniat prospera vita suos.
 Tecum adsit placido stabilis Concordia vultu,
 Et faciles risus, aptaque verba ioco.
 Cana fides, ludique leues, ignarq; fraudis
 Simplicitas, chœreis addita turba tuis.
 Hymen ades, fœcunde Hymen, quem vita parentem
 Iactat, qui steriles non sinis ire dies.
 Subscrescat magno soboles numerosa parenti,
 Cuius magnanimos fama reducat auos,
 Longævis superet proles laudata maritis,
 Et patris auspicijs fortia bella gerant.
 Gaudeat ille pios sua per Vestigia natos

Nun-



A. 3545.